

8N3-3-024



MISION PLEYBEN

6 C'HUEVRER 1945

Kantikou Brezonek



QUIMPER - IMP. GORNOUAILLAIN



MISION PLEYBEN

6 C'HUEVRER 1945

Eurus an hini

*Eurus an hini a garo Doue
Eus e holl galon hag e holl ene (bis).*

An den a blijio da Zoue, hon Tad,
A zo diouallet ha diouallet mat.

En ti hag er park, en deiz hag en noz,
Doue warnezan a skuillo bennoz.

Gantan e bried hag e vugale
O devezo perz e bennoz Doue.

Evel eur vezenn, douret he griziu,
E tougo frouez, deliou ha bleuniau.

Meulomp holl

*Meulomp holl da jamez
Jezus hag e vadelez (bis).*

Me ho meul, o va Jezus.
C'houi hoc'h eus va c'hrouet,
C'houi hoc'h eus va frenet,
C'houi am mag, o va Jezus.

— 3 —

Mil bennoz deoc'h, o Jezus.
C'houi a zo va fastor,
C'houi a zo va zenzor,
C'houi zo va holl vad, Jezus.

Pardonit, o va Jezus,
Va faoutou tremenet.
En amzer da zonet,
Me vo fidel deoc'h, Jezus.

Benigit, o va Jezus,
Va c'horf ha va ene,
Va mirit noz ha de
Eus a bep droug, o Jezus.

Kantik al labourer devot

Aman pell diouz an trouz
Hag holl safar ar bed,
Ar meziou am c'helen kerkouls
Hag an habila doctored.

An douar a fourniz
Frouez nevez d'ar poaniour,
N'ho ro ket d'ar feneantiz,
N'eus ket a vloavez hep labour.

Me a well ar gwenan
Savet da c'houlou de :
Me ive a dle kemer poan
Da brofita eus graz Doue.

Holl evidoc'h eta
Doue a garantez,
Poan, melkoni ha joa,
Hirio hag epad va buez.

Evit alia ar pec'her da ober pinijenn

*Poent ez eo deoc'h pec'her
Distrei ouz hor Salver (bis).*

Digorit pelloc'h dor ho Kalon
Da Grouer ha Mestr pep unan ;
Hir amzer zo, evel eur mignon,
E sko, e sko... ha na rit van.

Penaoz, va breur, vit kaout an tanva
Eus bara c'houero ar pec'hed,
E falfe deoc'h da viken gwerza
Hoc'h ene paour d'an drouk-spered ?

Dre nerz Doue hag e vadelez
Oc'h eus gwelet ar sklerijenn ;
Daoust hag ennoc'h e c'houezas buez
Evit pec'hi ha netra ken ?

Araok an Taolennou

*Sellit piz ouz an taolennou
Zo mellezour an eneou
Hag a lavar da bep hini
Ar virionez hep damanti (bis).*

Daou hent a zo, daou hent hepken,
Emañt digor dirak pep den ;
Hent an ifern hag hent an Enn ;
Hent ar maro, hent ar-vuez.

Hent an ifern, frank ha ledan,
Dre ar pec'hed a gass d'an tan ;
Darempredet eo bet atao
Gant kals tud, siouaz d'ezo.

Ourgouill, koler, luksur, avi,
Avaristed ha diegi
Gant ar vezventi milliget,
A ra eleiz a dud daonet.

Breman eo deoc'h teuler evez,
Lakaat urz vat en ho puez ;
Koll hoc'h ene eo koll pep tra...
Re zivezad e ve lenva.

War ar finvezioù diweza

Sonjit den faziet
Sonjit en eternite.
C'houi, siouaz, zo dallet
Gant an droug, ar vanite.
Sonjit e rankoc'h mervel
Ha mont eus ar bed-ma
Pa zeui Doue d'ho kervel
Abarz nemeur ama.

Gant kals a spont neuze
Ez it dirak ar Barner ;
Striz eo justiz Doue,
Ha goaz a-ze d'ar pec'her.
Eur zefanz a resefot
A vuez pe a varo
Hag ar stad m'en em gavfot
Da viken a bado.

Nemed eur vech hepken
Ar baradoz ne goller ;
Eus an ifern biken
En em denna na c'heller.

Hogen baradoz kollet,
Setu tout eat da goll,
Ha baradoz gounezet,
Setu gounezet holl.

Tremen ra pep tra

*Selaou, va breur ker,
Buan la an amzer,
Tremen 'ra pep tra ;
Nerz, madou, yec'hed,
Yaouankiz ha gened
Tremen ra pep tra (bis).*

Skeuden da vuez
Eo al lestr a velez,
Tremen ra pep tra ;
He roudou er mor
Zo kloz a veac'h digor,
Tremen 'ra pep tra (bis).

Kant vloaz ha mil vloaz
A ve disterik c'hoaz,
Tremen 'ra pep tra,
Nemed c'houi, Doue,
Hag an eternite,
An Eternite.

War ar Gontrision

Doue gwir bried,
D'an eneoù
C'houi 'eus va c'hrouet,
C'houi 'eus va frenet,
C'houi 'eus va c'hrouet
'Vit an Envou.

DISKAN :

*Gwerc'hez beniget
Mamm druezus,
Me am lazet
Dre veur a bec'hed,
Me am lazet
Ho mab Jezus.*

Abaoe pell amzer,
Kovez ran ouzoc'h
Ez oun, va Salver,
Siouaz ! eur pec'her,
Ez oun, va Salver,
Enebour deoc'h

Allaz ! me vo bet
Bete vreman
Kals re aheurtet
Ebarz em fec'hed
Kals re aheurtet
Chench a rankan.

An diaoul mut

Pa zaoulinomp evit kovez,
Hon enebour zo war evez,
Eman tostig er c'hoztez kleiz
Diouallit... bras eo e valiz.

Hanvet eo bet an diaoul mut,
N'e ket hep gwir en deus gwall vrud ;
Ifernia reaz kalz tud, siouaz !
Ha kals re all a gollo c'hoaz.

Derc'hel kloz ginou ar pec'her,
Setu eno e holl vicher ;
Keit ha ma nac'her ar pec'hed
Her gout a ra : pardon ebet.

Kaer o pefe iun ha lenva
Ha lavaret mea culpa :
Pec'hed a guzer er galon
Biken n'en devezo pardon.

Kantik fin ar Mission

Kavet am eus ar peoc'h hag an eursted,
Iac'h eo brema ha laouen va ene
Dindan va zreid an ifern a zo klozet,
Dreist an oabl glaz me vell digor an Env.

DISKAN :

*O va Salver, hirio, varc'hoaz ha bemdez,
Ra vo meulet hoc'h hano dudius !
Er mission am eus kavet ar vuez...
Bennoz, bennoz, mil bennoz deoc'h, Jezus (bis)*

Em goazied e red freskoc'h ar goad,
Na gredan mui terzien ar gwal-dechon ;
Va c'halon baour ennon zo yaouankêat
Deuet eus d'in nerz da garet an Aotrou.

Pegen douz eo tanva ar gwir garantez,
Meuli Doue, hor C'hrouer hag hon Tad !
Anaout, kare, setu bonheur an Elez,
Setu ive bonheur ar c'hristen mat.

War ar gomunion

Elez eus ar baradoz, sellit pebez enor
A ra deomp er sakramant, Jezuz, hon Redemptor !
Eur vech evit hor prena ez eo bet inkarnet,
Hag evit dont d'hor maga ganeomp e chom
[bepred.]

DISKAN :

*Mari, gwir vamm da Zoue, Mari va mamm dener,
Va sikourit da reseo ho Mab ha va Salver.
Me ne d'oun siouaz ! netra, netra nemed pec'hed,
Mez ennoc'h ec'h esperan, o va mamm bentiget.*

Krouer an Env, an douar, war an aoter, bemde,
Dfe gomz nerzus ar beleg, a zisken eus an Env.
Eun Doue, kals uheloc'h eget ar firmamant,
En em izela dindan spesou ar Sakramant.

O mirakl'ar souezusa etre ar miraklou !
O burzud na c'hell kompren ar c'haera sperejou !
Evit gounid kalonou ho pugale ingrat,
Ho magit, o va Jezuz, gant ho korf hag ho kwad.

War ar Gomunion

Deut holl ha deut gant fe,
Deut d'ar banked presiuiz ;
Galvet hoc'h gant Doue
Da zebri ouz taol Jezuz.

Jezuz,
Baradoz an ene
Eo chom ganeoc'h noz-de.

Ma c'hoantañt danvez,
Aman eman an tenzor
Hor rent e gwirionez
Pinvidikoc'h eget ar mor :

Jezuz,
Perc'henn an holl vadou
Ha mestr an holl c'hrasou.

E gorf, goad hag ene,
Eharz en hosti kuzet,
Gant e zivinite
A zo war daol ar banked.

Jezuz,
Biskoaz n'eus bet eun tad
Evel c'houi dous ha mat.

Adoromp Doue

O Sakramant burzudus
'Lec'h omp maget gant Jezuz :
Ennan eman hor Salver,
Kredi a ran war e c'her.

DISKAN :

*Adoromp Doue
E Sakramant e garante.*

Jezuz, d'an noz 'raok mervel
'Ro galloud d'an Ebestel
Da jench ar bara, ar gwin
'N'e gorf hag e wad divin.

Ar beleg, d'ar gorreou,
A lavar e wir gomzou,
Ha raktal Jezuz-Salver
A ziskenn war an aoter.

N'eus mui na gwin na bara,
N'eus nemet Jezuz ama :
E gorf sakr, e wad divin,
'Lec'h ar bara, 'lec'h ar gwin.

Adoromp hor Roue bras
En Envou ha war ar groaz ;
Adoromp hor gwir Salver
E Sakramant an Aoter.

Kemper, Moullerez Kerne, ru an Dalc'henñil.

